


通化縣志卷四

藝文總序

聖賢之所以經緯萬象黻黼人倫者亦安恃乎曰文而已



精英日月之光華山川之雄偉五行之毓秀也故易曰觀乎天文以察  
時變觀乎人文以化成天下有以哉試縱觀往古夏書灑灑商書渾渾  
周書噩噩故能輔相天地而不過昭明日月而不忒調燮四時而易  
此文之至者也降洎秦漢則以雄直稱魏晉六朝則以穠華著李唐以  
來韓柳起而復古趙宋以後歐曾起而踔躡元代氣骨稍間明室體制  
繁縟降至近世著述如林體制文思雖各有得失然上欲敷德教於下

張丙南傳

潘德荃

張丙南字文浦其先世不可考日俄之戰投入忠義軍降於今保衛團辦事員趙德喜短小勇敢趙倚之如左右手前後數十戰厥功甚偉因

家焉歲甲寅濛匪王登瀛王東洋鐵公鷄劉占九黨羽二百餘人既分

股竄我小羅圈溝爲故紳張明璠區官鄭福祥殲滅殆淨餘匪攻陷撫

松勢益披猖陸防各軍陸續東上幾二千人時我通化警團赴臨江縣

之求助尙分駐於三岔子八道江德荃竊自計曰撫松新設治地曠人

稀賊必不久踞保非誘兵東去乘虛由間道西撲我通乃飛檄警務長

江存清由紅土崖回守縣城辦事員趙德喜由旱葱溝回守北區我兵

甫入龍崗賊四百餘已蜂擁至丙南隨趙德喜大呼追擊賊稔知趙駐守三岔子雖馳救必不及初尙疑爲假名恫喝及迎面交刃心膽俱裂幾疑我兵從天而下也丙南等乘勢痛勦擒斬三十餘人逐北五百餘

里始奏凱回論功任保衛第一團團總乙卯夏欒匪由本溪縣竄擾興

京寬甸並攻破桓仁脅從益衆窺我富爾江東西江甸高力墓子爲警

務長江存清擊退乃改道輯安境分兩股同時撲我縣城張紳明璠陣

亡丙南復隨趙德喜馳救賊已北渡江初本尾追也丙南等攀深林陟

危崖出賊前賊知我兵善戰節節設伏丙南奮然曰不入虎穴安得虎

子乘夜入伏縱火焚賊渠所居廬賊倉皇出短兵相接欒匪重傷垂獲

矣適丙南中彈亡始逸去趙撫丙南屍哭之恫軍心益奮裹傷再戰三擊三勝變匪僅以身免嗚呼蠢爾小醜聚而殲之一鼓間耳乃既喪我張紳明璠復喪我張團總炳南豈造物之不仁耶抑忠烈出於一姓天欲表章張氏耶事聞照警官例議恤丙南之死在急於爲張紳明璠復仇又係同姓故旣傳張紳明璠復爲丙南叙其崖略後之修鄉土志者兼收而並採焉

劉永貴傳

潘德荃

自張氏出兩忠烈通人士聞風興起不數月而有保衛第二團團總劉永貴擊賊陣亡事劉永貴字玉亭奉天通化縣人世居恭梓鄉二道江

業耕讀與故紳張明璠有葭莩親民國五年四月公舉任是職編製戶口盤詰奸宄爲全境最夏六月殷德明等受匪首雙紅煽惑黨羽數十人擾我大羅圈八道溝撓頭溝一帶永貴親督團丁斃匪五人以中彈亡永貴任事甫二月即能與張紳明璠不惜一身犧牲社會男兒死耳尙復何尤所念恭梓一鄉東接臨江之紅土崖北接柳河之龍崗向爲盜賊出沒處所防勦事宜正未有艾鄉多果敢善戰之士繼其後者尙其臨事好謀毋徒恃勇竟永貴及張紳未竟之志焉此則跂予望之者也

中華民國五年通化縣知事潘德荃謹撰

覆瓿錄序

潘德荃

天之生材必不使席厚履豐有依賴心無刻苦志漢朱馬宋王呂其先  
例也亦婦孺皆能知能言者也宮生潤章立志純求學勤處境窘意者  
將降大任天之厄生正天之玉成生歟生好學學必精懼學之或間斷  
也仿困學記顏曰覆瓿錄舉教室之講授與平日之聞知別類分門悉  
載之錄守此不變所造豈可以尺寸量異日樹幟文壇在綠江白水間  
增一健將不可謂非社會光榮吾黨幸福也走聞之爲之喜若狂病若  
失爰泚筆爲之序

爲救貧所募捐啟

潘德荃

謹啓者竊聞二量大三齊之族一鍾開七穆之宗貸息錢而置院坊人  
歌樂土出私財而資饘粥天錫豐年鑑往古以詔來茲種善因必收良  
果通化地處遠寒邑多流民大都爲寒迫饑驅始來自海南山左烏頭  
年壯胼胝尙可謀生馬齒日增老病詎能食力飲風嚼雪一飯難求倒  
壑填溝百呼莫救德荃自慚溺職莫惠窮黎欲解衣則到處鶉鷄幾歎  
田單裘盡欲推食則無數鳩形鵠面徒嗟郭默倉空設非社會集腋而  
成恐遺溱洧濟人之誚茲幸地方團體軫念桑梓同胞假定自治公共  
房組織臨時救貧所期限百五日冬季以小雪爲始春明至驚蟄而停

額設二十名早晚給黍粥兩餐死亡予板棺一具房舍務掃除使潔免  
教傳染成灾絮棉則新舊咸宜但博苦寒可禦俾孤老病諸民得其所  
以治農商三界董其成惟是歎必籌有經常事始能期久遠敢掬方寸  
用瀆再三勉爲將伯之呼代請窮民之命倘荷商界鉅子社會仁人節  
已恤貧解囊振廩或以友及友或以親及親百十不爲多些須不爲少  
總期廣爲勸募收衆擎易舉之功庶幾矜此孤莞普實惠均霑之益送

塵捐冊請書

銜名並乞擲還俾登信錄通化縣知事潘德荃謹啟



田烈士又橫傳

李鎮華

田烈士又橫字亞贇族諱新政慕田橫之爲人故名奉天通化人也世業醫多隱德祖若父以活人濟世名鄉里烈士幼聰穎入塾讀即不類餘子師友咸目爲大器曰此田家千里駒也惟性剛烈時與人忤然爽快率真有足多者海陽徐冠堂名宿設教於通烈士從之讀執弟子禮甚恭生平學力多成就於此工詩文雜說七絕尤佳書法蒼勁出於顏柳間迄今邦人父老猶有珍存其零縑隻字者丙午秋蓬萊慕平甫司馬知通化縣事創設兩等小學堂烈士入修業學行爲諸生冠以新學鎔舊識綜栽培傾覆之理會優勝劣敗之義知處此武裝和平時代非

志乎殺敵勒銘執干戈以衛社稷不足以競存於大地遂肆力於兵法  
家言凡書史所載有關於戰事者莫不簡鍊而揣摩之會奉天陸軍小  
學招生烈士慨然投筆棄文事以預武備期償素願入校後試輒冠軍  
時吳祿貞中丞總辦學務頗器重之而烈士則悲天憫人憤世嫉俗課  
有暇晷輒假文字以宣洩其不平大中報及微言報時刊登其雜說短  
評後以國事危急社會齷齪政猛如虎民愚如豕目擊而心傷之乃從  
事於國民報編輯一席冀展所抱負以箴官邪而牖民智未幾以直言  
遭當道忌致報社封閉烈士之革命思潮遂激揚而不可遏已迨武昌  
義旗高揭各省相繼獨立烈士聯絡有志之士入共和急進會運籌革

命與張榕寶崑諸烈士謀起義於奉天嚮應南軍直搗幽燕復我神州  
事未舉爲反對者槍殺於瀋陽寓次時辛亥冬月四日也民國成立而  
後烈士側室潘月浦女士曾度榆關走燕京上書於偉人先生前欲爲  
昭雪而關外稽勳局亦委員徵調烈士之事蹟焉

異史氏曰吾奉當開國時有革命家張榕寶崑田又橫三先生者同  
日慘死於瀋陽張與寶余不詳其家世故未能贊一詞若田烈士者  
余之總角交固深知其歷史爰誌之以垂不朽

邢長老子衡傳

李鎮華

邢君諱權字子衡基督教會之長老燕之滄洲人也幼讀書不屑久事筆硯間起而投筆從戎身列行伍累功至千總甲午戰後痛武備之腐敗憤國事之萎靡知欲喚起國民自覺心非從事於宗教講演其道莫由遂舍其舊而新是謀芻狗功名浮雲富貴君悉棄之如敝屣焉乃專心致志於耶教國家將亡必有妖孽團匪之興有由來矣庚子教徒之厄運君僅以身免時君主持通化基督教會事未幾八國聯軍陷大沽攻天津趨北京清德宗隨慈禧太后西望長安蒙塵以去而扶清滅洋之義和團匪竟烟銷霧滅於烏有矣辛丑約成兩宮回鑾懲辦禍首諸

臣償兵費四百五十兆兩英德法俄美奧意日各國駐兵北京毀北京  
至大沽炮台而德租膠州灣英拓九龍界址均期以九十九年歸還門  
戶洞開危險萬狀國事益不可爲矣君以憂患餘生痛定歸來憂國有  
心傷家無淚復從事於耶教不憚嚴寒溽暑日奔走於通衢曲巷之中  
凡非宗教者流或目君爲瘋癲或斥君爲荒謬而君則處之泰然口講  
指畫舌敝唇焦仍不改其常度殊不知君之思想世俗之人詎能窺其  
涖涯彼庸人孺子之笑罵固與君無毫髮傷也厥後君被選爲縣議會  
議員持論正大建白尤多洪憲帝興民意摧殘而地方自治團體勒令  
取消議會人員立即解散矣君以六十衰翁閉門謝客每遇公益猶能

出而維持也終以氣息微弱積勞成疾藥石無靈於以不起卒之日鄉里聞之無論教徒與否莫不爲之淚涔涔矣

異史氏曰邢君性情直爽熱誠宗教苦口講演慷慨悲歌至老猶不衰懈雖燕趙之士出乎其性而此老之品格迥異恒流崇拜之餘極欲爲之表章云

通化縣師範講習所第一級畢業同學錄序

李鎮華

中華民國四年歲次乙卯七月宜興潘公茂蓀知通化縣事創設師範講習所聘予爲教員予學殖荒落教育無術不足爲人師而諸生不予鄙陋從事年餘濟濟一堂賞奇析疑教學相長致足樂也乃一剎那間

寒暑兩易諸生將行畢業式謀刊同學錄索予爲之序予思夫族譜者所以推兄弟之愛齒錄者所以隆朋友之情其道一耳今諸生既畢業以姓氏里居叙爲齒錄保諸篋笥則今日之敬業樂羣爲他年之聲應氣求計無便於此者以視夫科舉時代題名浮屠立碑國學稱同年而聯世好者不可同日語已然而標榜或起門戶之見黨同必來伐異之嫌漢唐宋明之黨禍職是故也抑嘗考之漢唐之黨禍在講政宋明之黨禍在講學民國以還黨禁大弛集會結社法律特許豈惟講學者無罪講政者亦無罪矣非第講政者無罪又從而提倡之然趨政者實繁有徒趨學者寥落猶昔也夫學黨之獲咎於前世也以其預政政黨之

取譏於今世也以其不學預政者今之所不禁也而況於學然今之講學者誰耶諸生具師範之資師範爲教育之母教育爲立國之本諸生誠能合羣同志敬教勸學懷桑梓恭敬之心獲教育英才之樂陶鑄國民發奮士氣爲社會開新機卽爲國家培元氣也當今之世日雄於東德橫於西果何致之教育使然相彼列強協以謀我非以我無教育者乎諸生熱誠愛國專心力學法陽明知行一致之功本亭林興亡有責之義使青年子弟崇道德增知識益技能諸生之天職宜如是耳非然者或昧世界之趨勢乏國家之觀念備員偷安害教育而賊人才踵事增華騫虛名而無實際謬種流傳伊於胡底非特無以副邦人父老之



希望且以成社會國家之罪人則斯錄愈不足重於當世矣爰師古人臨別贈言之誼時當座右之銘諸生勉乎哉予有厚望焉

通化縣立中學校第二級畢業同學錄序

李鎮華

共和新紀元之明年遼中莫公月嶠司教育劃定通化爲省立中學第四區蓋通化處四邑之上游控三邊之扼要興桓輯臨長撫安柳各縣來學者胥便利也時宜興潘公茂蓀知通化縣事公固以熱心興學聞至是益慘淡經營之而經費無自籌備維艱丙辰秋始創辦縣立中學招生一級於兩等校院予亦備員教管焉未幾而續考第二級諸君子來自四方懽聚一室與予晰疑問難兩閱寒暑予辭諸君子以去而諸

君子不予遐棄時相過從致足樂也予既被選任爲勸學所長乃呈明  
潘公招第三級購儀器置標本以資教授且築樓房闢校舍焉惜工未  
竣而潘公去任維時畝捐減等學欸支絀幾乎停辦幸建平楊公子壬  
繼任竭力維持始觀厥成曾幾何時而諸君子舉行畢業式矣將來升  
入專門或大學校成國家之人才即服務地方亦社會之中堅轉移風  
化挽回國運胥於諸君子斯賴則茲一編同學錄不將成名小史也歟  
二三子環予索序予憶事實之既往感離索於將來悲喜交集故不覺  
其言之冗且長也諸君子勉乎哉

通化之城西距市街里許有西灞橋處山水之奧區爲往來之孔道西方則通興撫以達遼瀋西南則通寬桓以達安奉東方則通臨江撫松登長白山以探圖們江南渡佟江以至輯安北越老嶺以至柳河馳車驟馬躡屨擔簦者日雜沓焉警察所長江公鑑齋蒞任十有五年修理業經七次蓋水之出於西北諸谷者其源廣而流於東南入江者其勢下每當秋冬之際水落石出直一溝澗耳迨至春夏之間天油然而作雲沛然而下雨則西北山溝厓谷陡峻澗道逼仄水勢瀾漫湍流迅激水石相搏屢遭衝壞雖歷年建築省料省工而一旦泛濫必傾必圯於是江公計及久遠期圖永固以爲今日不治後日之費必倍迺命一區

保長楊君恩普鳩工疊石拆建重修而城廂士紳莫不聞風興起慨捐樂輸經始於仲夏落成於孟秋用一月工費兩千元既堅既固亦完亦好不動公款不斂民財益見江公鑑齋之用心周而爲計遠楊君恩普之監修盡職不辭勞瘁而楊紳璽海等之急公好義尤爲難能而可貴至若行旅稱便商賈謳歌不惟濟溱之輿跨渭之木惠止一人一世已也故余樂爲之記以勒諸石俾後之人欲知斯橋興廢之由觀此亦得其梗概矣中華民國十五年國慶前三日李鎮華記

### 南節婦傳

李鎮華

南節婦奉天通化人姓羅氏名照南榮海之妻羅福順之女南景林之

母也福順好讀烈女傳常爲講演曹世叔妻之故事聞而喜曰爲女子當如此矣故名天性貞孝幼習禮儀長嫻婦道年四歲時母病急涕泣求醫以救母鄉黨至今稱之及于歸南氏尤盡婦道事夫之誠教子之嚴是亦晚近婦女界中一好模範也榮海幼年從戎追隨鎮台陳公勦平大東溝鉅匪宋三好等身經數十戰行軍積勞久而成疾至晚年疾愈劇而家道亦愈窘一病八年溘然長逝當其展轉床褥晝夜呻吟痰液便溺穢不可聞雖歷八年之久而節婦則扶持湯藥未嘗廢離然憂勞交集鬢髮皆白矣遺子景林年僅十齡既無伯叔終鮮兄弟零丁孤苦有非常人所能堪者當是時正庚子變亂之年俄羅斯之克薩克隊

由東清路而南下佔據我城池蹂躪我鄉鎮東三省適當其衝致潰兵  
土匪越貨殺人茫茫大地幾無一寸乾淨土也節婦則蓬首垢面避難  
守節甘藜藿而操井臼兢兢然以守身而持家際此世亂年荒而教子

景林讀書習禮不容一日間也如是者十年景林已二十歲矣節婦思  
城鎮繁華之區非少年修養之所乃遷居於大石棚村先人所遺之田  
廬而經營之仍教子景林耕讀爲業勤儉治家躬耕隴畝手胼足胝涉  
獵書傳口誦心唯如是者又十二年家道日增鄉譽日隆地方紳耆公  
舉景林爲保甲委員矣節婦常教景林曰爲民莫忘一正字爲官莫忘  
一忠字一生一世莫忘勤儉二字不能如此非我兒也南君景林與余

同事久屢道其詳且索予爲之傳予見夫南節婦三十年來之堅苦卓絕眞心如鐵石節勵冰霜而景林爲人之正直處事之廉謹使奮志進取功業可立就竟杜門不出奉母隱居以報親恩一門節孝可以風矣

羅董事福堂傳

李鎮華

羅君諱福堂字錦山其先世居山東諸城南鄉農人子也幼失怙恃賴兄嫂之力教養以成人生有奇才性行俠義而膽略過人事兄如父事嫂如母鄉里嘖嘖稱道巡警總辦王公佐清特題獎友于可風匾額以褒揚之君於同治年間隨兄福順渡勃海走遼瀋出興京旺清門披霜露斬荊棘以採參墾荒爲業福順之爲人言行誠樸見義勇爲凡山東

人之來此者無衣食則爲資助以濟之有疾病則爲醫藥以救之及光緒元年通化設治委員張公今波始來佟佳江畔丈放荒地招徠墾佃建置城池訪知福順爲高士敦聘其督修縣之城壕衙署君即襄辦工程任勞任怨故事半而功倍成績卓然迄今石城崔嵬而君之紀念亦與之不朽矣旋因君秉性正直被委爲城關及懷教保鄉約至庚子變亂有僞忠義軍匪首劉永和綽號單子者自稱總統幫統劉中和等嘯聚黨羽數千人由延吉岡長趨而南當者披靡東邊各縣若海龍興京桓仁鳳凰城大孤山一帶縱橫數千里悉爲其征服地無敢起而櫻其鋒者官吏且爲之供奔走而淫掠燒殺更視同兒戲現在東邊人士道



及忠義軍之故事猶談虎變色焉時通化縣令陳璋字東山親率通字五營馬步兵丁並全縣五十三保團練鄉勇非特不能統率防禦指揮戰陣以殺賊且携軍實庫款席捲官錢局先棄城而潛逃致官兵鄉勇無所適從半多流爲匪類真謂借寇兵而資盜糧者也米公秀實名種甘肅名進士當盜賊滿山十室九空之際蒞任斯邦雖愛民如子嫉惡如仇而劉賊永和尙據縣署統帶忠義軍飭令其巨頭悍匪冷振東林成岱張桂林等西犯遼陽盛京將軍增祺請求俄將甘都魯馬大力羅夫等率重兵使陳璋鄉導而來東專事招撫劉永和竟率匪衆與之抵抗後其勢不支乃受俄人編制背纏俄徽國人名之曰花膀子隊而

實仍匪也當是時君則公而忘私處險若夷周旋支應於官民匪之間務使官不失其威儀匪不張其氣焰而人民已隱受其惠不尠迨甲辰年日俄停戰約成秋霞峯明府辦理地方善後事宜復任君爲五十三保都練長仍兼懷教保鄉約專辦團練從事清鄉因資勞卓著蒙東三省總督趙公次珊獎給五品頂戴自治成立被選舉爲城廂董事會董事縣知事潘公茂蓀聘君監修小學堂救貧所積谷倉修治道路橋梁勦匪安民急公好義君之功德可謂偉矣君有猶子名壽椿者充任市立一校學董余見其辦事認真勤勞可嘉曾爲轉請教育廳長祁公獎給二等金質獎章今且充救貧所董事農會調查員等職公餘之暇嘗

爲余述其先君昆仲等之事蹟故余樂爲之傳云



趙營長佐清傳

李鎮華

趙君德喜字佐清，儻非常人也。生平慷慨，意態雄傑，性行勇武而俠義好騎馬，放槍馬之驕蹇奔騰，桀驁不馴者，一入君之跨下，則一鞭在手，無不任意馳驅，而槍之射擊，准當神速無比。雖雀鼠之微，君一打擊亦莫能倖免也。幼從軍入吉林之邊防營，長官愛其勇拔，之爲什長，駐紮於琿春延吉岡一帶，以緝捕盜賊有功，升哨官。歲庚子秋八月，俄羅斯侵襲我江東百六十餘屯之土地，驅死我數十萬之同胞於黑河、克薩克，隊復蹂躪我東三省，所謂邊防營者，實無能爲役也。當是時，潰兵土匪激於義憤，敵愾同仇，約合三萬餘衆，名曰忠義軍，欲禦俄寇而復

國土惜烏合之衆流品太雜無安內攘外之遠志惟子女玉帛之是好終無補於國家徒有害於地方而君率潰兵千餘人獨能約束有方秋毫無犯若節制之師者然縣令秋公桐孚辦理地方善後整頓團練委君爲養字路十保團正靖盜安民厥功甚偉光緒壬寅東邊匪首有王洛道丁藍旗等嘯聚匪徒八百餘人竄擾於龍岡蚩蛄河倒木溝大都嶺等處綁掠人票百餘名帶至馬鹿溝寶聚德院內君追至見彼衆我寡不可輕試遂揀精壯兵三十名設奇計四面暗伏自率親兵二名突入匪羣詐稱同類有機密事報告匪首衆相信不疑使之見君即當場開槍斃匪首於是伏兵四出槍聲齊發匪驚疑大兵至紛逃四竄自相

殘害人票輜重盡遺君之威名自此大振嗣翼長馬瑞祿奉令蒞通督  
兵勦匪愛君英勇禮遇優隆令率本部隨征連戰皆捷東邊各縣彙報  
肅清盜匪案內專保君以把總儘先補用復蒙軍督部堂增公獎給五  
品頂戴並委爲通化巡捕總巡募令平甫開辦警察局委君爲通化警  
察馬步總巡潘公茂蓀創辦保衛團委君爲辦事員時與警務長江君  
鑑齋潘倚之如左右手論者謂通化警甲不怕賊匪勇於擊捕君之鼓  
舞之力爲尤多也民國甲寅乙卯丙辰各年匪首王登瀛鐵公鷄等率  
衆燒撫松分攻臨江八道江等處君率警甲堵擊於三岔子尾追至柳  
河之向陽鎮會同警務長江君鑑齋跋山涉水帶月披星追奔數百里

折而至輯安之葦沙河地方一擊而殲滅焉本溪有積年之巨匪藍六者率衆匪數百名出平頂山竄擾寬甸攻破桓仁縣城脅從甚衆由輯安境至通化小羅圈溝及四道江君督率警團一再防勦追奔逐北至柳河之大牛溝一經痛擊而匪衆傷亡逃散殆盡匪首藍六負重傷僅以身免從此不敢再窺通化矣是役也團總張丙南及警士等陣亡多名縣知事潘公茂蓀專案爲傷亡警官什兵請恤蒙奉天督軍張公雨亭賞給獎金五千元所有出力官長咸蒙依例優獎君與士卒同甘苦每戰必身先之而賞罰尤明居恆自稱入伍以來禦俄寇勦賊匪身經大小數十戰部下莫不爲之效命云東三省清鄉督辦王公理堂除暴



安良所至有聲攬轡東巡周諮博訪調君爲山林警備隊第二營營長  
且勗之曰吾與汝素昧生平所以破格用之者爲殺賊也善體斯意好  
自爲之噫微王公之用人唯賢君雖一身是膽勇略過人豈不終老山  
林湮沒無聞也哉厥後林警改編陸軍東邊鎮守使湯公閣臣復委君  
爲步兵三十五團三營營長駐防於撫松安圖各城鎮治軍保民盛德  
豐功尤難縷述因積勞卒於差次層峯優恤軍民震悼頗有哀榮統計  
君之生平有三大軼事非常人所能爲者當其辦保衛團時輕車減從  
赴上拉古河一帶從事清鄉突遇股匪包圍匪類素畏其威且恨其勇  
今知其形單勢絀欲得而甘心匪等大聲疾呼曰汝即趙大人乎今落

吾輩手中縱汝身手健好將何所逃耶即使汝身首異處死無葬身之地矣君與匪類從容不迫侃侃而談其身世數十年來殺賊保民之事蹟匪類欽其勇感其義相顧錯愕咋謂之曰此大英雄也非特不加害且排隊鼓吹以送之爲陸軍營長時有營副劉振東者威福專擅激變連長邵本良等譁變君聞之於雪夜間單騎追隨苦口勸解寧犧牲一己之祿位必保全邵等之性命真精誠所至金石爲開士兵等莫不感激涕零完璧歸趙後君以勦匪論功保邵本良升營長邵之威望勳業君實成就之茲二事者鄉黨傳爲佳話婦孺猶能稱道之君身材短小精悍方面黃瞳英勇足以稱其志氣故爲傳其事略云爾

猶龍子曰東邊各縣僻處巖疆山嶺縱橫盜賊披猖三十年來吾民之受其害者更僕難數其詳往事何須論今則又盜賊滿山若八道江鎮之焚燒臨江縣城之圍困轉瞬已成陳迹徒供吾人之憑弔而已時屆嚴冬朔風凜冽大雪紛飛滿腹牢騷無所消遣方與三五知己圍爐笑語把酒談心高談古今之變遷雄辨人事之得失正酒酣耳熱興高采烈之際忽而撫松縣之警報傳來謂縣知事避匿商家得免於難警察所長被匪掠去吉凶莫卜而商民之生命財產不問可知其危險聞之此股賊匪勢極猖獗人既衆多槍亦快利非跳梁之小醜可比寇深矣可奈何安得起趙公於九泉爲之保障也哉然塞上豈知無范韓世界

有如趙公之勇敢殺賊保衛吾民吾將爲文以記之馨香以祝之且願  
書萬本誦萬遍使後之人猶能髣髴其生平丙寅冬至後二日識於塾

庵之南軒

東三省清鄉督辦兼東邊道尹王公理堂德政碑 李鎮華

王公印順存字理堂河南商城名孝廉也服官府廳州縣歷任道尹督辦黑龍江爲東北之屏藩俄蒙接壤公任清鄉督辦也則全省之匪患肅清路不拾遺社會無鷄犬之驚廣東爲西南之門戶商民殷富公膺警務處長也則百越之閭閻平靜野無伏莽人民慶安居之樂迨我公任東三省清鄉督辦以來馬首東瞻殺賊無算撫松處松花江之上游濛江負長白山之支幹積年鉅匪若小傻子若長江好多或數百人少亦數十人盤據於青江崗上竄擾於老嶺之間公至則扼要設防督隊進勦安一營部於三岔子安二營部於松樹鎮復設分防於蕭家蹕子

球寶溝撓頭灣溝頭道花園六等房身回頭溝等處調集軍警一鼓盪  
平此我撫松濛江兩縣人民無賢愚老幼所望如山斗恃若長城得安  
居以樂業而銘感於無既公尋亦兼任爲東邊道尹更復關心民膜誓  
掃賊氛每歲必出而巡閱於長白山南鴨綠江北查吏治之廢興問民  
間之疾苦至若立電話修道路以利交通查戶口併村屯以資守望整  
巡警編保甲以便游擊是又我公之德政不勝枚舉者也爰爲之頌曰  
長白山高鴨綠江長我公德政山高水長撫松濛江兩縣紳民人等公

立

通化縣知事潘公茂蓀德政碑

李鎮華

公印德荃字茂蓀江蘇宜興名孝廉服官奉省清慎勤素著循聲蒞任  
通城農工商咸欽德化自宣統二年春及民國八年冬十載豐功政平  
訟理諸般政績綱舉目張雖云久道化成良以實心任事迴溯下車伊  
始新政即行裁鄉會而積弊清歲省民財十五萬撤行頭而陋規免剔  
除衙例七八千學校增多教育普及警團整頓社會安寧編預算於收  
支欸項之挪移有限禁燒香於邪教風俗之迷信悉除修義倉既備天  
災開礦產尤興地利實行自治庶政舉而民意伸杜絕苞苴操守嚴而  
法庭肅禁烟禁賭市井無游閒勸讀勸耕人民多生計而救貧所之設

鰥寡孤獨廢疾者有養忠烈祠之建衝鋒侮禦陣亡者有勸遇貧苦學生有造者必捐廉以助膏伙見勇敢警士可用者必破格以爲提升至於中日雜居主權自保華洋交涉公法爲憑是又我公不僅勤於內政而又長於外交者也在官之日政府酬庸嘉禾章文虎章胥晉三等離任之時人民感德資助費餽贖費數逾萬金迄今黍雨流膏彭澤河陽實堪媿美願後甘棠常蔭召父杜母永遠垂恩無如觀政有心攀轅無術口碑雖載道不過一時之聲心感最難名遂勒千秋之石



通化縣警團勦匪陣亡諸烈士碑

李鎮華

通化襟帶佟江背負老嶺處四邑之上游控三邊之扼要興桓輯臨長撫安柳各縣往來之孔道商賈輻輳民戶殷繁東邊一重鎮也溯自辛亥以來時局多故匪氛猖獗風鶴頻驚而甲寅乙卯丙辰之年若濛匪若藍匪若高匪多或千餘人少亦數百人破桓仁陷輯安燒撫松蹂躪於臨江柳河興京各鄉鎮攻城焚掠隣縣幾遍匪尙倡言得百撫松十桓仁不如掠通化一城悉以全力分道進攻當是時縣知事潘公德莖警務長江公存清辦事員趙公德喜明賞罰勤訓練與士卒同甘苦雖槍如林彈如雨而前者仆後者繼勇往直前奮不顧身一捷於向陽鎮

下欲抒情意於上則文字實爲不可少者也惟我縣設治較晚儒林著述夙乏其選茲編選自近代體制繁蕪本不足以垂世行遠特以書史志實不廢擊壤之歌聖人觀風垂及芻蕘之言爰本斯旨而志藝文計

分文藝詩歌二門都爲第四卷

文藝志

通化古稱瓦爾喀東有玉皇龍岡諸山扶輿磅礴從長白千里而來巖石盤陀連峰疊嶂勢鬱鬱而氣葱葱佟家江清漣屈曲淨不可唾如練

如帶虹繞東西作掄金戛玉之音山水鍾靈其人固當以風雅文章顯特自作邑以來志乘闕然惟一二名宦傑作忠烈傳紀尙藉藉在人口

餘則渺矣觀風者有遺憾焉然而天壤灑氣卷舒鼓盪薄激風雅不盡於中原也國家教澤涵濡習尙思潮文章不限於邊徼也當科舉時代通化學額限制文運苦其鬱而不暢自學校興而士氣振二十年來樹人林立培養優秀文采爛然不惟游京師留外洋者蜚聲翰墨即畢業

再捷於大牛溝轉捷於三岔子及回頭溝卒致巨匪授馘社會獲安而  
我陣亡之諸烈士或則客籍英豪久已隸夫行陣或則土著健兒胥皆  
來自田間身殞沙場膏塗原野爲社會犧牲作人民保障肝腦雖塗地  
忠義實參天此所以我縣長楊公國棟警長江公存清捐廉倡率營墳  
墓立碑亭也嗚呼世變方殷諸烈士已矣前功未竟後死者之責佟江  
嗚咽兮憑弔英魂老嶺崢嶸兮磅礴正氣爰爲之銘曰馬革裹屍效命  
疆場臨凶若吉羣仰遺芳生爲國民死爲國殤視死如歸邦家之光豐  
碑紀烈士氣發揚同仇敵愾劍氣寒霜老嶺峯高佟佳江長千秋萬歲

俎豆馨香

故監督潘茂蓀三週年祭文

李鎮華

維中華民國十二年夏歷冬月初六日通化縣勸學所所長李鎮華率  
領中學師範高等國民各校員生謹以香花紙酒致祭於故通化縣知  
事潘公之靈曰嗚呼我公庚戌來通振衰起靡通商惠工化民成俗發  
賸震聳嗚呼我公兩袖清風勤政愛民盡瘁鞠躬熱心興學若蜀文翁  
五千學子遺愛無窮三週紀念十載豐功九泉有知鶴馭太空神其來  
饗嗚呼我公



送金麗青赴赤峯從軍序

憲斌宮潤章

赤峯扼熱河中樞長城阻其南戈壁繚其北東望榆塞西限陰山自漢唐以來東北用兵之重地也環境千里風沙捲黑泉水流赤突巖纍纍白草荒荒交通梗阻風氣剽強當涼秋九月則牧馬嘶風塞鴻唳月征客聞之往往有去國懷鄉之思是赤峯者雖曰朔方之重地實亦天下之窮處也麗青騷人富於情感者也齊瑟自奏隋照相投官無金張之援遊無子孟之資馳驅戎馬蹈此窮荒棖觸景物能不惻惻於懷耶雖然瓌璋常奮於處困而聰明多誤於所溺今麗青困且溺矣從此一鞭短褐遠適貊鄉越客千絲或能解脫以倚馬之高才居盧龍之要塞北

庭投筆南越請纓則茫茫前途正未有艾也意者赤峯之役蒼蒼者將  
有以玉成之歟麗青勉乎哉而吾不能無慨然者溯自甲寅之歲得識  
麗青迄計十有二年自庚申冬分道後時合時離曾未有流連十日者  
風雲論志詩酒遺情樂事之濃惟今九十韶華耳乃西窻夜雨燭影方  
紅而南浦曉烟波光陡綠錢蒙叟有言山林朋友之樂造物不輕予人  
甚於榮名利祿也信然且昔之別麗青也距不過百里期不過由旬秋  
水伊人猶深洄溯今何如哉非所謂龍蛇戰野流血玄黃而遠作殊方  
之別者耶非所謂友朋星散抑鬱誰語而後會渺渺不可期者耶非所  
謂綠葉遮天楊花蔽日對景傷懷有難爲外人道者耶麗青嗜於詩者



以游而工造詣會當益進行矣勉之凡塞上風烟軍中刁斗蜃樓山市  
鷗影盤空殊俗異言詭情怪狀其能詩以記之歸而餉我乎



代各團體爲潘公茂蓀建修專祠募捐公啓

宮潤章

謹啟者蓋聞表善揚烈爲史氏之大綱崇德報功屬部民之要務是故  
化行蜀郡傳紀文翁惠被汝陰祠建神父既著圖形之典允隆配社之  
儀振古如茲於今爲烈豈有棠甘南國重賜惠於生前花滿河陽不食  
報於身後如我

通化故前監督潘公茂蓀者寧不恫歟維公籍隸岷亭家傍震澤夙殫  
心於典籍更致力於經猷日下無雙苟鳴鶴羣空冀北雲間獨步陸士  
龍名重江東具遠大之襟期思建樹於家國遜清末造邊地需材竹馬  
歡迎人歌來暮割鷄初試民具爾瞻裁衙例三千涑水先除四稗剔漏

規八百山陰不受一錢且也刻已愛人蘇子瞻分來鶴料惠貧好士閔  
仲叔長餽豬肝豈惟廉潔以持身抑實澹泊而明志至於禁烟禁賭市  
井無遊閒勸農勸商人民裕生計數循良西漢龔遂未許並稱核幹練  
東京虞詡詎能專美計宰通甫及十稔舉善政不僅百端此又有口皆  
碑無腹不鼓而勿庸贅述者也紀年辛酉天不憇遺回首前塵忽然七  
載靈輿泣送悽焉三峽之猿華表歸來杳然千年之鶴人生到此天道

寧論某某等屬在部民久霑德化以爲萊公古柏十年之遺愛猶存孺

子生芻一時之微忱難盡不有以崇祭祀將何以報本源用是廣招同

志倡設專祠距玉皇之高峯作侈江之砥柱庶幾召父杜母功德永昭

風馬雲車精靈陟降惟念衆擎易舉獨力難成當民窮財盡之秋明知措資非易爲旌死勵生之舉終覺袖手不安造端不必過宏但期稍具宮墻已堪慕德好善誰不如我果使各施杯水亦可成渠敢竭鄙誠仰呼將伯知在

各界善士必能見義勇爲况屬

社會名豪度更當仁不讓倘荷青囊慨解尙希丹篆親書送塵捐冊請列台銜並祈擲還俾登信錄

發起人通化縣農會商會警察所教育公所全啓



故通化縣知事潘公茂蓀諱德荃先生行狀

孟慶芳

潘公茂蓀諱德荃江蘇宜興人也面色白皙豐頤大口聲清遠揚目秀而慈賦秉至誠孩提善承志爲大母蔣太夫人所鍾愛嘗指其父端謹公而言曰此吾家千里駒汝有子余有孫矣年甫六齡遭大母疾公冒寒跪深夜禱於天綦月疾間乃已日爲祖母誦經迨至九齡遭大母之變公哀毀如成人食必祭事必告示不敢忘其尊也遇忌則避熟食啜粥地襲草薦臥示不敢忘其哀也及侍嗣母沈太夫人暨待姊妹曲盡孝友戚鄙奇之年未冠攻時藝帖括出語每驚長老文名藉藉適其父端謹公自皖北歸公執經趨庭端謹公怫然曰汝純盜虛名觀所學徒

問號房所在公親迎而揖之曰若輩惟識包苴故一身兼作僕耳聞者  
咋舌公聽理詞訟輒至夜分每於公餘則招集僚屬諄諄誡之曰凡人  
之處世蝟務良多然一誤再誤皆可贖也惟貪如白受采雖力滌之汚  
故也東省今日民生凋敝由官邪也官邪之弊賕賄公行故也聞者頷  
之退而嘗語人曰我縣監督潘公真生佛心腸也故公之在復州任也  
勸農課桑修文興教振窮戢暴獎廉去貪行之未及朞年民氣大甦而  
官場浮滑之習亦爲之一變是公之整躬率物期在必行有如此者迨  
期滿調省父老攀轅童叟流涕北歸之日四民祖帳由州城起迄瓦房  
店止計六十里焉迨輪軌已發相送者猶依戀不忍去云抵省後擬請



假南旋歸省層峯不允時署柳河縣事某公因案調省檄委公前往接  
篆行有日矣案已破獲公徧謁司道請收回成命僉以制軍錫公令出  
惟行難之翌晨赴轅投刺入司道具在錫公盛氣迎之曰咄余以爲汝  
行矣復何敢爲曰某令以案被譴今破獲矣故陳明請公意旨錫公嗤  
之以鼻並目視司道曰某豈病狂耶抑懾於黨援敢犯白簡耶司道噤  
不敢答公廼趨前大言曰明公賞罰嚴明又適以不才前往瓜代言之  
不過得違令罪不言恐重爲盛德累否則聽鼓轅門者比比皆是朝捧  
檄夕任事矣如公以某令無可哀矜奉命未晚也錫公色霽曰強項哉  
此令不圖今日復得中牟令魯之裕矣遂命司道傳知某令好自爲之

毋貽賢者羞其持躬清正進不隱賢洵有加人一等者越數日錫公傳見命赴金州辦理交涉聞者色變並有代謀以病假告者公奉命卽行不十日遄返乘夜入謁錫公曰復將請示意旨乎事如何公曰事畢矣曰抑何速耶應曰憑公盛德屈以公理耳言畢而退錫公目逆而送之曰使乎使乎是公之折衝樽俎捷於口辨有如此者旋奉令署通化縣事五閱月准補康平縣事通化父老函電挽留層峯始循地方人民之請復任命爲通化縣知事公念人民景仰之誠而深憫通埠草萊初闢警學着着落後乃虛衷延訪殷殷垂問與地方紳耆邵緯宸王岱峯孫子振江鑑齋李曉峯趙少青等銳意籌劃地方利弊遂裁鄉會除衙例

歲省民財億萬計春雷一聲民具爾瞻旋即着手地方預算私者化之  
羨以補之猶恐財政裕而民力憊且難以持久也於是闢學田廣公產  
權子母備荒政歲入數萬而強民不益賦而地方用饒凡警學自治建  
築櫛比不與焉公之對於興學尤爲熱烈嘗謂父老曰人才由陶冶而  
成陶冶之功首在學校故公之任內學校則國民林立而高小而女學  
而實業而師範而中學而留東文明灌輸公不遺餘力至視寒峻有造  
之進尤傾衿推轂提訓孳孳每於公餘親至中學宿舍與諸生校閱課  
藝有不稱者公力爲刪正雖寒暑勿間公喜爲詩詩成則令人吟聽至  
頓挫處手爲拍張或半字未安必嚴改乃已以故公之清詞麗句雖專

門名家殆無以過之公待遇警甲信賞必罰曾親之警察教練所躬自講演勦捕匪盜之法迨青紗幃起萑苻潛踪之時每先事籌甲籌餉議勦議防溯民國三四五年間若濛匪若藍匪若高匪多或千餘人少亦數百人突起猖獗蹂躪鄰邑撫松陷矣桓仁破矣柳河圍矣臨江焚矣通邑以彈丸之地適當其衝股匪垂涎已久且倡言曰破百撫松十桓仁不如得一通化每至奇險環生之時聞者風聲鶴唳公獨從容坐鎮多方布置行武侯空城之計懾股匪八百之兵迨一戰於向陽鎮再捷於大牛溝三戰於回頭溝士卒効命巨魁授馘社會又安額手相慶然每值匪氛告警軍書傍午之時公輒旬日不就寢或率城內警甲親擊

析更其小心謹慎克盡守土之責雖諸葛之屯田漢中不是過也惜乎公觀政十年心身俱瘁竟於民國九年十二月十六日辰時溘然歸道山與通化相終始焉遺命因堂上春秋已高秘不上聞並屬其高足弟子宮潤章曰吾諸兒碌碌他日紹吾之志事並蒐我遺稿付諸梓人者惟生一人耳宮君曾與余言公會著通化縣志略二卷東山詩集六卷文集四卷惜多散佚未窺全豹此公所遺憾於地下而章實不足以副吾師也言之若不勝其欷歔者至公死之日各機關下半旗學校停課一日輿櫬南歸各界均執弟子禮生榮死哀潘公有焉輿櫬旣歸人民思之如潮州人之思韓文公也然召父杜母名之而無可名因樹德政

紀念碑於西郊之道周行人過其下多有徘徊不忍去者

伯蓀來通三

年每聞父老道及公之學問純正器識宏深則欣然慕之故三餘之暇  
稍事蒐討筆成實錄非敢阿好溢美亦以不忍公之苦心孤詣湮沒無

聞云爾

孫子振先生墓誌銘

孟慶芳伯蓀

孫公子振宣勞於教育界中者廿有五載歲乙丑夏正二月十五日以疾卒於家各界臨喪追悼多行弟子禮聞者以爲榮既葬之五閱月地方公歎主任邵公緯宸暨教育公所所長李公曉峯縣第一區區長陳公銘三成議飾終之典謂不可無文以銘而銘之莫如孫宜蓀以孫公之言行學術犖犖口碑於皇山佟水間者表裏如一大義所在緘嘿難安焉按公諱作新子振公之字也先世爲瀋陽人自公之父繩武公以生計累始遷於通生齒日繁遂從而家焉公資質澹冲篤於孝友少貧嗜學無力致書恒假書抄錄兀兀不倦惟讀書不沾沾於章句而留心

省縣者衡文角藝亦且多有可觀文運以時勢爲轉移所謂山水鍾靈者其在茲乎間取是邦鴻製手披目覽擇其尤雅馴者如千篇名曰藝文志非敢謂登峯造極有聞樂觀止之嘆亦且騁彼筆陣可喜可愕可泣可歌之事雖未必璞玉渾金粹然足以鳴世而其文其事錚錚佼佼則皆可以鼓動倫類潤色山川於以促文運而振頽風顧不偉乎昔孫子荆有言其山崔巍而嵯峨其水洿澌而揚波其人磊阿而英多竊本斯語爲通化志藝文卽爲通化表士風云



耕隱錄序

宜興潘德荃

方輿空郭也生氣彌之視息侷具也彛理祝之大不顛殖民地國旂隨日影齊飛西班牙探險家輪機逐波光並至譯斯密亞丹原富論英儒已導我先河讀司馬子長平準書漢代更重民實業獨是四野富貧之關鍵蛋隨一國強弱爲轉移我國前後有不共天海陸無插足地內政外政政府既縮小範圍農團商團團體詎單獨膨漲登白山而左右顧誰歟爲主人翁渡黑河而界線淆我竟成附屬品南滿逼於日北滿削於俄森林萬區悉變童山濯濯今日言殖民明日言招墾沃野千里依然荒甸昫昫尤可異者竭吾民財產脂膏不足供餉糈半載聚天下智

當世之務屢躋場屋遂決意梯榮年弱冠以課徒謀養當公之教授義塾也無疾言無遽色惟言行身化而弟子均有彬彬儒雅之風焉光宣間朝廷飭令變法組織新政通化亦遵省令銳意興學公緣地方父老之請出長學務總董四年長高初兩等小學校者八年長女子小學校者十有三年權樞地方捐務處主任者五載兼管巡防辦事員者三年公之黼黻地方事務也貞固足以幹事剛毅繼之有爲故刮羅利病洞見癥結而對於後進之士尤殷殷誘掖遇有求學困難學生輒解囊助勸毫無慳意是以通埠以彈丸之地僻左東陲而人材蔚興警學成績有法度可觀者其筭路檻縷之功不可謂非公之賜也至公之一生學

貴實行語無泛設雖年逾古稀鬢髮皤皤猶竟日無惰容對人談學則  
丙夜不寐自非功深於人之所不能知者烏能自強不息如此乎惜公  
輔世長民化行鄉國而蒼天不佑貧困以終其所謂天之報施善人抑  
有時而不盡然歟余昔聞喪即作詩哭之今蒙諸公之請乃狀之如左  
以發餘哀云公之歿也葬殯之資均由各界蠲醵歸葬於通化西嶺之  
陽因爲之銘曰於虜孫公爲社會而生桑梓蒙其福利兮致有德而莫  
名於虜孫公爲教育而死手澤幸其猶存兮誘掖及於學子生有涯兮  
死無垠敦篤如公兮真古人闕茲宮兮億萬春



蟄菴文集序

孟慶芳

韜光養晦兼容并包處草野山林中而無韋布里閭憔悴可憐之色者  
今吾於李君曉峰見之矣君印鎮華別號猶龍子資質洞豁性行明達  
通化教育師模也幼遭甲午庚子之亂致家資中落卓然能自樹立不  
爲環境所迫授書後出語驚長老始見知於海陽徐冠堂先生弱冠後  
出入經史文林涉獵諸子爲文章汜濫停蓄無涯涘直欲推倒古作者  
之林而分其一席矣民國改建膺宜興潘茂蓀先生荐委任通化教育  
公所所長一任十年滿城桃李其任期中之設施井井籌備精詳已昭  
然於通化人士之耳目者固無庸僕之喋贅也丙寅夏公奉命調省曾

出其蟄菴文集丐序於蘇曰此余平日道性情之作也子盍爲我序之

蘇授而卒業乃奮然曰夫徒知曉峯之爲人而不知曉峯之爲文者不

足以語曉峯徒知曉峰之文而不知曉峯之爲人者尤不足以知曉峯

蓋曉峯者藹然仁者之人也其蟄菴文集者乃和平淡薄之音也以藹

然仁者之心蘊於中故持躬正處世誠與山林負販布衣野老相處固

無適而不可即與王公貴人志滿意得者相處亦何適而不可也以和

平淡薄之音發於外則溫厚敦柔疏通致遠較彼爭一字之奇鬥一字

之巧幼眇爲蛟龍之舞悽愴作寡婦之泣者不尤加人一等哉君自膺

通化縣志總纂之聘屏去時榮益勵志於古文而於闡揚先達獎寵後

進諸作尤發皇而不懈於古然則李君之所謂蟄者固蟄於人事而未  
蟄於光芒偉俊之文也善夫古人之言曰士君子得時則駕不得時則  
蓬纍而行嗚呼豹隱深山終有騰驥之日龍蟄大陸豈無飛舉之時與  
其行也爲文申以問之丙寅嘉平月序於通化中學校





贈李笑雲先生序

孟慶芳

士君子得時則駕不得時則龍蛇卜子夏田子方其人乎不踟險艱載道以游磊落之懷固有在也逮漢董子尙其廁之賈生則傷悼不遇抑鬱以死非古人之意也若乃嚴陵魚釣於富春孟博乞埋於首陽墻宇自峻與世少可然遺世獨立慷慨絕俗亦足以處明夷矯當世嗟乎數君子邈矣吾安往從之哉吾友李公笑雲志潔行方數君子之亞也公性耿介尙氣節喜爲詩古文每酒酣耳熱伏案揮毫則波瀾恣肆跌宕昭彰不履近人之藩現年六十有五喜闡揚先達獎寵後進每酌酒孤燈對友談學則丙夜不倦自非功深於人之所不見者烏能自強不息

如此乎是以橫逆之來身外之榮均漠然若無有其樹立有以使然也

彼世人又胡爲代公感感哉

伯

孫

爲公之第二爰搦筆而爲之序云

亡友石蘊章先生傳

孟伯蓀

烏虜吾觀於古今人才之故於其壽夭修短之數而不禁慨然也昔有人痛崔蘭生國瑠曰謂造物忌才斯人何以生謂造物愛才斯人何以死蒼蒼者殆不可測耶我於石君蘊章亦同此恨君諱振南字蘊章遼陽人也君生而英資過人其父甚愛之嘗語人曰此吾家千里駒也君年七歲入小學年十五入高小年十八入奉附屬中學校畢業後升入瀋陽國立高等師範史地部對於各科倍極精攻而性質溫存尤爲同學所敬慕方先生在校肄業時與遼陽北曾紹賢相友善紹賢余之契友也爰因紹賢而識先生蚤夕聚首把臂談心沆瀣之樂有非言可喻

者甫擬歲寒三友之盟而紹賢以事去奉先生亦以畢業貢職社會遂與蓀渺不相聞矣睽隔五年音塵久寂今忽于通化中學邂逅相遇先生氣宇如昔惟面色少形憔悴談次間有乍見翻疑夢相悲各問年之勢蓋先生僕僕風塵馬首家鄉而憂身世之坎坷境遇之迍邐非一日矣而蓀亦以奉垣畢業各處奔波欲求一日之安而不可得則與先生同病之憐固差足以採擇寫照也故先生與余之意惻相篤尤殷相知尤切每於經史稍有所得必舉以示蓀曰古之六藝典籍處處皆我儕注脚但我儕不能融洽貫通故杆格不入耳余驚聆先生之言知其學識經驗較曩在省垣聚會時洵有天淵之判矣故蓀雖潦倒東陲毫無

晉益然一燈晃晃則與故友言心言性盱衡時局濶論古今實有喜不自勝者廼先生忽於中秋前五日遽染癰病額頰突起兩目亦臃腫當由耿介忱先生妥爲醫治余憶采薪之憂三二日即可痊愈而余一日三省其疾益加劇先生亦自知病入膏肓曾謂蓀曰余倘不測則遠客異鄉寡鵠孤鸞煢梵弱女將誰憐之而孰憫之耶余聞其言深以爲不祥並多方溫慰乃竟於中秋日早溘然歸道山回憶前言悽愴在耳而先生竟掩埋地下嗚呼傷矣夫天之生斯人也殆將壽考以成其材使之淑世牖民並顯榮褒大其先業以垂奕後世廼先生道未任於天德不酬於人學未及於古著作未及等身而今死矣甚矣壽夭修短之

難知也嗟乎天既生之而復斬之則蘊章之懷恨於胸而未發者殆什百于余之所言矣蘊章其知也耶抑不知也耶先生死於中華民國十三年夏歷八月十五日寅時正寢掩葬於通化縣西嶺義塚之陽時年三十三歿無子有女二人夫人劉氏哭之哀欲以身殉經多人勸阻葬蘊章之骨於西嶺者爲通化趙少青先生先生重言諾有節概與蘊章交最淺而能爲之盡可謂有始有終不欺死友矣嗟嗟有友垂青如此並經紀君家君可以無恨矣

通化縣初級中學校第一級同學錄

孟慶芳伯蓀謹序

昔袁簡齋先生最信因緣二字謂夫人生之周旋遇合莫不有莫之爲而爲莫之致而致者余嘗紬繹其言而思人生之遭際與離合洵有如袁公所云也夫人之遭際至不一也或和如壘簾之吹或乖如參商之戾或誼等苔岑之契或情如魚水之逢要無不視因緣之交感爲之策應洞乎此則余與諸生今日之別固不能無慨於中也溯甲子仲秋膺聘來通幸蒙諸生推一日之長屈指迄今匆匆者已閱二載矣此二載中同堂以文字相切劘平日以道義互勗勉余之與諸生然諸生之於余也亦然故余唱而相和者諸生也余行而相從者諸生也余鬱鬱無

聊而相慰藉者諸生也余鄙吝時萌而相啓助者諸生也嗚呼諸生之待先生可謂至矣而我顧可無一言乎哉况兩載之前諸生不識我爲何許人猶我之不知諸生爲誰氏子也自甲子仲秋後諸生始知我我亦知諸生凡我之言行稍可矜式者既印諸生之腦而諸生之聲音笑貌藹然可親者亦印於吾之心兩兩相因遂有今日之果故兩載中師生相處一日不見如有失一字勿讐如負債焉嗚呼孰謂文字之雅不逾於骨肉之私乎慨自璧癰化邈泮水風遙師之見輕於天下也久矣學子之詬病於世俗也深矣致抗顏設帳者有模不模範不範之歎執經問難者有佻撻青衿才養不才之譏究其所以致此者主教者之過



歟抑被教者之過歟智者觀於此當有能明辨之者今謂諸生之與余也既無濫竽之誚復無世人之譏此余與諸生今日之別有不能不破涕爲笑而爲諸生酌一大觴者謹述此離合之端以慰諸生臨別惻惻之意尙望諸生奮自騰驥以副我他年未了因緣云爾



蛛隱廬詩集跋

孟慶芳伯蓀

吾友李君笑雲哀輯其平日所爲之詩都爲一卷顏曰蛛隱廬詩集既徵余序其端且告余曰近世新詩盛行斯集也所謂死文字之一種耳推其意一若自歉於詩體之不入時慮爲無足錄取者余竊以爲不然夫詩之無分新舊如文之無分今古也三百篇之作可謂古矣至屈原宋玉變而爲詞楚詞者三百篇後之新詩也漢初樂府三言四言雖沿古風然退傅有在鄒之作降將箸河梁之篇洎至栢梁唱和變爲七言是五言七言爲楚詞後之新詩矣魏晉六朝文矜駢體連篇累牘競一字之奇擅一字之巧影響及於詩體於是有齊梁之新體詩新體詩者

五七言後之新詩也由隋及唐四聲八病之弊愈演益彰唐時始有律詩之創作而以五七言爲古詩律詩爲新詩是七言律又爲駢體詩後之新詩矣時代推移詩體遞變一代有一代之潮流即詩體有一代之創作固不必沾沾於詩體之舊與新也况唐代之五七言絕句即晉宋以來企喻白紵子夜諸曲之遺音也至後一變而爲小令再變而爲樂府三變而爲慢引諸長調是詩餘詞餘又爲宋代之新詩矣宋之南也詞體之變化尤數至胡元興又變爲曲餘明清代作變爲彈詞鼓詞是彈詞鼓詞又爲明清之新詩矣如必以漢唐爲古則宋元爲今矣宋元爲古則明清爲今矣明清爲今以漢唐宋元爲古勢必將漢唐宋元各

代之著作舉而拉雜摧燒之何爲漢唐以來歷代各賢詩集之作箸彪名於縹囊緗帙中者仍歷歷可考耶從知一代有一代新詩之創作舊詩未嘗因之而廢吾子又何必姝姝於新舊之爭也且君之集包舉衆長奄有諸體固不難升古作者之堂而分其一席矣吾甚願君不爲新詩所推移而益致力於古其去於古也不遠矣李君倘以爲然不難甦死文字而活之則千百年後當有新精神之眞詩垂諸來禩李君聞之得無迨然一笑乎

能才力盡趨於仕宦一途宜若武裝銳利無前庶幾吏治澄清可望矣  
然而四十餘鎮武士道轉養成妾悍妻驕千七百縣地方官更習慣奴  
顏婢膝以此圖治適成亂階以此療貧適破吾產然則裁兵耶裁則變  
減餉耶減則譁汰員耶既虞人不存政不舉加賦耶又恐國無本民無  
天嗚呼班定遠之已亡范少伯之不作安得充國四五輩與讀管子十  
三篇開塞外屯田省輓輸而輕擔負徒關中右族固邊圉以實封疆顧  
坐而言尤貴起而行法易窮不如身作則僕性成狷介心恥寅緣溯宦  
游瀋水十年祇分潤遼泉一勺清風兩袖窮且益堅白雪半巾老之將  
至噉脫粟飯鼠不穿墉茹苦菜根魚幾生釜分大部無足重輕廉俸人

或佩其廉隅博中央不甚愛惜功名我已愧夫尸位當道况銳行減政  
末員彌涸處枯源作折腰官不如耕隱爲餬口地敢說逃農通化邵緯  
宸篤實君子也黑省海倫縣平行沃區也曾糾合同志四十二人擬領  
墾荒地三萬餘畝事已蕝矣予偶聞之怦怦此心躍躍欲試爰假毛詩  
三部分來周錦七方二方在龍門五方在通肯勿以數小而弗屑滄海  
本源出壤流毋因道遠而不前跬步可月行千里須識傾筐倒篋皆累  
歲節衣縮食而成從茲課雨問晴備他年教子養親之費擺脫名疆利  
瑣始識真吾安排簞帽蓑衣居然農父洵田家自有樂也抑吾心尤有  
進焉今夫計口授田禁壟斷也借牛給具惠貧窮也勤蔗裝勤耔耘盡






贈鄧慕陳先生序

孟慶芳伯蓀

余自橐筆通城竊不自揆喜與賢士搢紳遊其平日瀦沆之雅苔岑之契固無率數十人然相關最深相知綦切每於酒闌燈爇之時輒假把臂歡以通其抑鬱纏綿之隱者洵無逾於鄧君慕陳君原籍襄平與余家僅衣帶隔方余髫齡時即耳君名惟自日俄戰後流離爬梳遂致曩之欽仰慨慕者而一面緣慳矣泊甲子之秋余應通化中學教授時君在通劬勦警政課餘之暇始得邂逅相識談次各有相見恨晚之勢退而私自喜曰吾意中鄧君慕陳今果於佟水遇之矣謂非生平大快歟嗣後或五日而一晤或兼旬而一晤若至奇月不晤輒兩人若負債矣

君性慷慨好施揮金如糞土周人之急惟恐不及然牆宇自峻與人少  
可苟非可與之人與夫妄交佞倖之士則皆閉拒絕去不少顧以此一  
時賢士皆知君介介爲懷而君之恢豁大度固爲世俗所不知也其與  
孫也一見成忘形且具酒食邀飲於家歛之上座現其妻孥執家庭相  
見禮座客以爲榮嗚呼慵疎如孫見絕於世人也久矣今竟蒙君眷顧  
而交合無所間然則世俗之謂君律於交游者有亦因人而致者歟君  
自客歲擺脫世網別營遯廬於縣城之西南每於雨雪之朝風月之夕  
則招余至其家暢談古今事以慰抑鬱無聊之思猶記客冬一夕雪花  
大如掌君煖宿釀共酌泊酒酣耳熱縱談時局君目光電閃吐氣如長

虹迺憤然碎杯起曰馬不羸駕不足稱騏驥牛不奔車不足稱奇特今  
吾人以昂藏七尺之身竟欲喔咻嚙吮奔走於權勢之下欲何爲哉欲  
何爲哉余曰黃鐘毀棄瓦釜雷鳴滔滔者天下皆是君縱欲馳騁一世  
然雲愁月黯魑魅笑人究欲從何處搔首問天耶君聞之啞然笑默然  
歸坐乃洗盞更酌共讀古歌行以適志迨至月明星稀燈花欲暗余起  
而揖君曰客行矣客行矣然千百年後能知吾兩狂人在則君之知余  
爲不徒矣君乃迺然笑余歸而書此以贈之



贈金君履青詩稿序

孟伯蓀

余曩在瀋陽即聞通化人士嘖稱金氏兄弟即謂履青君及其季友石也洎甲子孟秋謬膺通化中學文政講席時同事宮君憲斌與履青友石善課餘之暇君曾謂蓀曰吾通有佟江鼓盪白山磅礴靈氣所鍾意必有瑰琦俊瑋之士生於其間奈予生也晚鄉之先達碩彥求能通一經明一藝可焜耀儒林者幾明鳳毛麟角後生之輩尤沒沒無聞惟芙蓉江上金氏兄弟洵吾黨之傑也子盍訪之余聆其有二陸雙丁之譽於茲益信則憲斌與金氏兄弟聲氣之求苔岑之雅有由然也惟履青及友石兩君以修脯爲養親計各處設帳終歲勞勞雖欲辨難析疑而

一面緣慳無如何也會客秋假日友石返里歸省便道出通假宿校中  
余緣憲斌介紹得識友石一見如舊剪燭論文甚喜蓀之得交益友也  
今春履青先生亦膺第一小學校之聘復因憲斌得識履青談次有相  
見恨晚之勢後遂各出所作兩相悅遂訂知交從此往來酬和無間風  
雨情益深而誼益篤殆所謂一日不見如言失一詩不質如負債者每  
臨山遠矚曲水流觴曾推許曰非伯蓀不足以知履青而非履青尤不  
足以知伯蓀吾兩人狂誕無忌一至於此花朝辰君持詩一卷踉蹌來  
奮然請曰通埠之識伯蓀者皆曰伯蓀履青爲兄弟交而吾鄉之識余  
者亦皆曰履青得交於伯蓀而課餘詩稿曾無一言半辭以相勗此衆

所感也子盍爲我序之 孫聆其言不禁懌然變色曰椎魯如余又烏足  
以知履青之詩哉然以相知之深相愛之切如履青又烏可無一言半  
辭以重得罪履青哉今夫世之自號詩人者不沾沾於模唐即規規於  
仿宋迨其造詣非宋非唐即自號爲一家亦不可得若吾子履青者固  
未嘗聳鳥佛之肩嘔長吉之肝迨章琢句斤斤然以詩自鳴也惟於萬  
籟寂寂一燈晃晃之時輒抒其綿邈之思以爲林壑增光朋儕酬酢鳴  
呼非詩人而能爲詩人之詩較之範形軌貌字摹句仿以寄人籬下者  
不可同日而語矣且君自膺聘來通於課餘時日領煙霞泉石之趣求  
江山之助以激發其氣而其所與遊者亦皆一時名士如興京于猗操

蘇承天通化宮憲斌南芝山以及瀋陽潘劍譚等君折節下之冀求薰陶其性情涵養其德行開拓其胸襟鼓蕩其才志宜其手抉天章不作塵世語也昔歐陽子謂人生得一知己死而無憾若吾子年纔弱冠而交遊如此彼世之以鳥瘦郊寒唁君者君當莞爾而笑以因有知己在也雖然謂蓀與君爲文字交爲肝膽交者我之志也謂蓀顧爲諛言以重得罪於君者豈知余者哉茲當薰篋協諧之際故序其顛末如此以爲他日臨別紀念質之諸通埠人士以爲然否

乙丑清和月瀋水孟慶芳伯蓀序於通化中學校



讀經卮言

孟慶芳

韓昌黎曰士不通經果不足用劉舍人云三極彛訓其書爲經經者恒久之至道不刊之鴻教也是以先王之修己治人經緯萬彙無一不根柢於羣經如孔子刪定贊修乃成至聖孟子論學論治必引詩書以爲左證苟無經訓聖賢且失其根據之地從知羣經之在天下如日月之經天江河之行地亘萬古而不磨放四海而皆準也故陳氏柱尊云大經者何六經也孔子之道具乎六經日月之明星辰之行江河之流華岳之高鬼神之靈陰陽之精禽蟲之生草木之榮人倫之理國家之紀悉於羣經系之嗚呼經之有關於人之家國也不綦重歟惜自恭我謀

我者倡毒經之說而吾國上下隨聲附和致廢經之議成舉國若狂競以羣經爲無用甚有土苴孔孟弁髦程朱以六經覆瓿羣籍當薪者嗚呼不揣其本而齊其末其亦不思之甚矣夫堯舜禹湯文武周公孔子之所以體國經野輔世長民簫勺羣慝甄範衆生者亦奚恃乎夫亦曰經而已矣故亞聖生洪水猛獸之後世衰道微之時欲正人心以承先聖亦曰君子反經而已矣經正則庶民興庶民興斯無邪慝矣從知經訓爲治天下之鴻寶其言可以壽著蔡其理可以格幽明固質諸鬼神而不疑百世以俟聖人而不惑者也是故溫柔敦厚詩之教也疏通知遠書之教也廣博易良樂之教也絜靜精微易之教也恭儉莊敬禮之

教也屬辭比事春秋之教也故不知詩則失之愚不知書則失之誣不知樂則失之奢不知易則失之賊不知禮則失之煩不知春秋則失之亂今其爲人也溫柔敦厚而不愚則深於詩者也疏通知遠而不誣則深於書者也廣博易良而不奢則深於樂者也絜靜精微而不賊則深於易者也恭儉莊敬而不煩則深於禮者也屬辭比事而不亂則深於春秋者也漢書儒林傳亦曰古之儒者博學乎六藝之文六藝者王教之典籍先聖所以明天道正人倫致至治之成法也漢藝文志六藝又曰六藝之文樂以和神仁之表也詩以正言義之用也禮以明體明者著見故無訓也書以廣聽知之術也春秋以斷事信之符也驗之往籍

則經學與吾人之關係洵如布帛菽粟而不能須臾離者也善夫桐城姚叔節之訓門弟子曰五倫去則中國無羣六經去而中國無禮樂無政刑無史無文字國不國矣又謂讀一句得一句之益讀一經得一經之益聖人復起不易斯言也太倉唐蔚芝氏釋經正民興之義云經者何聖道也亘古常新而有賴乎君子之反之者蓋處士橫議莠言龐雜以偽亂真以邪干正則聖道因之晦蒙有以反之而大經始正於天下也易曰反復其道傳曰撥亂世反之正世界之由剝而爲復撥亂而爲治者實賴聖道以爲之主君子則躬行以提倡之於是經正而學術純人心靜淑氣溢於寰區庶民皆興起而爲善矣嗚呼當此天地閉塞慨

前人之不作風雨如晦痛來者伊誰屬吾人蒿目時艱洵有非讀經不  
足以救國也伯孫章句小天識謝餅管謹將聞見所及錄而成篇名曰  
國故卮言世之知言君子倘矜其仰屋之勤而俾免於覆車之媿則於  
世道人心亦不無小補云爾



王孝子傳

別金相

王孝子名正其先齊人也民國初謀食來通遂家焉五歲失所恃繼母  
劉字子如已出及長以孝聞於鄉異母弟二人友于甚篤家徒四壁而  
孝子力田以奉菽水內外無間言父歿毀幾滅性水漿不入口者數日  
侍繼母無異於昔嘗語人曰余僅識之無竊聞繼母如母之義矣敬繼  
母即以敬父也人而不知敬父是禽獸也劉患腫疾不起者踰歲孝子  
晝勞呷畝暮侍湯藥滌濯糞穢略無懈容劉疾將革求神問卜呼天願  
代之聲日有所聞以此貧彌甚然劉有所需力所能辰莫不立致及劉  
卒哀毀一如喪父時由是撫其幼弟朝夕啼哭鄰里爲之泣下盛冬衣

不蔽體必先爲弟輩製衣履時出傭工則廉其直以使其弟就食焉如此者數歲弟稍長則使長者與已同伴而助幼者讀書云

張烈婦傳

別金相

烈婦侯氏邑之恭梓鄉人也母家業農婦年十七歸于張結縈之後孝於姑而順於夫恭儉溫和能得翁姑歡踰歲舉一女未彌月張以疾歿婦哀毀不欲生姑與母苦勸之加以防守慮其自殲也婦求死而不得乃給言曰翁姑在堂父母遠念兒何死爲夫旣葬操作如常時依姑側哺弄幼女佯爲笑語以慰姑心姑且喜防少弛會夫五七之祭躬詣墓次哭擗盡哀事畢攜女入室暮啓箱篋取嫁時衣服之偃伏於榻而姑



未察也晨起視之則僵死已久遠近聞者莫不嘆惋

論曰語有之慷慨赴死易從容就義難婦其從容就義者耶何笑語操  
作不改常度卒成其節烈若此者噫世衰道微殺身成仁者求諸貴閥  
世胄詩書之家尙不易覩而於山陬鄉曲農家婦女得之古稱禮失求  
諸野吾於張烈婦亦云



高氏跋(即續本支族譜引)

高殿書 字子香

高氏之姓不知何爲而錫也昔顓頊高陽氏生八元帝嚳高辛氏生八  
愷出類拔萃英才媲美於三皇開國承家德業共號爲五帝或即因此  
以爲姓始未可知也總之不離乎最上者近是溯我文潮祖乾隆十四  
年由昌邑到奉天興京挖參起家迨三十九年銘祖第七次回山東家  
眷接來住海城治北康家台始入海城籍費社三甲後入承德籍永豐  
社三甲是祖宗愈徙愈有播遷之勞子孫愈久愈忘桑梓之在先父在  
時每與書言及此事未嘗不深水源木本之思也然而地之相去千有  
餘里世之相後百有餘年耆老謝矣偶有談論者不過擬議之詞譜牒

地利也咨田峻咨保介察遊民也創耦耕創機鍵省農工也教稼穡教農桑重農學也今也在上者但圖報最在下者僅及錙銖錢糧苟歲入增加雖汗萊可弗問地價因人多翔貴甘販賣所不辭或則四壁蕭條誰爲傾助或則一畦萑莠無力耨耩胼手少而游手多奚怪萑蒲擾我古法拙而新法巧依然畚插勞人即有老農尙能力穡又皆訛亥豕混魯魚遑問辨土宜選種籽噫嘻驚心北露已背紅六月之霜蒿目東氛更頭白五更之雪而猶泄泄沓沓忽忽悠悠委命在天棄利於地創深矣痛鉅矣家奈何國若何僕地無取乎衆多事必踐於實在懼目的之弗達則佐以傭工二十人懼面積之太長則助以買牛十六疋懼羣佃

寡力則出母金以權子金懼曠日無功則營商業以匡農業懼青紗障起則選壯夫三五輩組成保圍團丁懼白鹿經亡則留隙地七八分建築初小學校縱購辨火機水具尙待將來而預算領本墾資不遺鉅細

我子輩我姪輩我孫輩窄言之雖祇血統傳丁爲上農爲中農爲下農廣言之皆屬國民分子鄙人所以未雨綢繆若此吾鄉亦有聞風興起者乎由數方而數十方數百方九仞本功成簣土始一家而一行省而

一中國個人可推及同胞異日者歷山風雨成邑成都莘野犂鋤爲畚爲剛濬九條湖汶五百家樂土重遷築千里河隄二萬頃良田盡闢半耕半讀鄭康成禮樂皆東即兵即農陶士行熊羆在北潘季訓籌邊裕

失矣即能記憶者亦屬荒唐之論於此而欲清世系辨宗支續族譜由何緒此一脈之傳哉幸也客冬族孫曰松者寄來族譜一函捧讀之餘支分派廿十五世之譜牒秩然不紊併我文潮祖離山東之日正遼左起家之時上下二百餘年遙遙相接或亦有數存其間歟書雖不敏敢不承先志以啓後昆奈族支太繁不及備錄謹將本支名號與合族科甲成名者一一註明以志吾族中家聲之不墜云爾

高氏三次重修族譜序

高世芳

傳曰孝者善繼人之志善述人之事然年深月久必記載明備而後捧閱乃以不忘則繼述之有賴於譜也彰彰矣吾家世系粵自棗強而淄川由淄川而徙於昌邑治北己而世居李伍社止以舉公祖爲始厥後宗派繩繩文武濟濟譜牒相傳書之綦悉是爲昌邑高氏家譜云不意明季壬午兵燹手澤幾盡豈不悲哉幸賴仲平公祖搜前人之遺稿兼以參稽族老博訪旁宗將尊卑長幼差次而書遠近親疎按服而定復有先訓諸篇以爲子孫法余每沐手展覽而繼志述事之意油然而生焉迄今六十餘年矣余七十餘歲矣生齒更繁宗支益別若不再爲序次

世遠言湮幾何其不胥而如舉祖後缺略難稽乎乃命次子殿選曰家  
之有乘猶國之有史也宗諱不考則前後將有犯諱之嫌世次不詳則  
尊卑或有紊次之患且支系不明妣氏不列又恐服制混而外戚莫聯  
余耄矣汝其哀我族姓細爲校正毋怠茲事既竣凡我宗人捧閱斯譜  
咸知尊祖敬宗收族之大義也至於踵事增修世傳勿替是又深望於  
後昆焉故曰繼述之有賴於譜烏可以不修哉



高氏四次重修族譜序

高殿傳

家之有譜所以尊祖敬宗收族匯支派於一源譜之有刊所以傳信闕疑壽世垂奕禩於靡窮則修譜之任重而刻譜之事尤亟焉吾家宗譜創始舉祖載籍詳備乃散軼於兵燹搶攘之餘其文獻幾不可知賴仲平祖苦心搜討採輯成帙至余先伯父年垂古稀奮志重修數歷寒暑纂續始就余時方髫齡日侍先伯父乃命余曰此吾高氏家乘也未克發鐫他日剗腕之責爾其勉旃嗟乎言猶在耳幾何時已三十餘年矣篤念先訓夙夜耿耿伏思譜以繕成既不能使人人手錄之復不能令家家捧誦之筆墨之真贋孰克辨之迨日微日深或消磨於蟲蝕或淪

泯於水火致先人手澤掃地無存是可虞也余不揣固陋仰副先志口  
問手記彙集校訂遵舊譜所已修者叙後人所未及者條例則式一準  
舊章謀之族人共捐資財以構棗梨乃授之梓印布十餘函越數月始  
告竣焉由是衆支各有家譜各得讀譜彼失而此存此缺而彼全傳之  
奕世俾踵事者有所基增修者有所本故曰修譜重刻譜尤亟云

侯氏家乘序

族譜何爲而修乎不忘先人也懼宗派之紊其序也不敢忘先人則必  
追其始祖名字里居不敢略亦不敢誣懼宗派之失其序則必實據其  
可考者考之不可考者闕之總之一歸於實爲是期傳信焉耳密志載  
宋文穆公侯蒙爲一代偉人侯姓爲其苗裔與否蓋不可知據譜載其  
始祖只云前明自江南遷高密世居堤東蓋其慎也予少館堤東最久  
與希陶交廉交亦最久見其鄉前輩杖於鄉者少長有叙循循然言慈  
言孝言古淳樸風爲仕宦後者亦無仕宦場魔習類能以耕讀置其業  
窮心爲之戚登壬子春希陶出其所修祖譜囑爲序遞謝再三弗獲已

考譜載侯氏家法條規至詳且盡而尤有詳盡者於祭田之坐落何處必詳於條段四至之何姓必詳杜異日之爭端戒子孫之覬覦可不謂之深心遠慮者乎且承先志成前人未成之書可不謂之善繼善述乎經營數載祭田贖清凡附譜系之後者悉復其舊可不謂之強有力者乎詩曰永言孝思又曰本支百世爲其後者有基勿壞守其家法於以綿綿翼翼繼繼承承以千秋百世可也是爲序咸豐二年歲次壬子如月之吉前湖北襄陽府均州知州傅敦孝頓首拜撰并書時年八十有

一

侯氏世系譜序

自我始祖遷居堤東歷年已四百矣昔猶聚處後則散居丁既不繁而  
又多專事農業貧不能讀苟無譜系以誌之則水木之源本或忘族宗  
之遠近難分冠婚喪嫁將有莫通弔問者余先兄在日與族祖良相謀  
常有志焉而未之逮也仕途偃蹇遽卒於官余每憶先兄敦睦之意思  
有以成之而無所措手幸於族叔允中處藏有抄本所記固略矣然自  
八世以上支派可序遂於祠堂落成之餘聚族而謀厥議始定前仍舊  
本後加詳焉既鐫之後凡我族人庶幾念葛纍瓜瓞之誼共相勉於孝  
友睦婣之道也歟十世孫錫彤謹誌

重修族譜序

侯氏族譜舊爲抄本先伯父龍章公有志修刻遽卒於官先大人克成  
兄志始刻成書而宗派乃以不紊焉時歲次壬戌迄今又幾五十年矣  
子姓日繁而讀書者益少今不再修歷世既久將必有原流莫悉區別  
無從者余獨何心敢不以先大人之志爲志乎丁未春同族謬以祭田  
公務相托拮据四年克復舊業即汲汲以族譜之修爲己任爰於祠堂  
聚族而謀無不欣然樂從乃與族叔天緯等族弟任與俊與等沿門登  
記前仍舊譜下及十五世丁之添者續之名之重者更之踰年而後書  
成即以祭田公費之餘付諸剗劂嗚呼余志成先大人之志亦無不成  
矣凡我族人倘因譜之再修益相勉於孝慈友恭之誼是尤余之厚望

也夫咸豐元年歲次辛亥十一世孫侃謹識

余外祖家侯氏於明洪武年間自江南懷安府遷高密世居城東南鄉  
堤東村歷代耕讀爲業迄前清乾隆以來科甲於以不絕洪楊禍亂延  
及山東外祖父始避難走關東至瀋陽業糧米行獲利甚厚聘滿洲望  
族柯公之長女爲室是余之外祖母也余幼讀偏愛甚期許亦遠大今  
垂垂三十年矣適編縣志謹錄其家乘序言經衆許可編入藝文志內  
以誌不忘而垂不朽云李鎮華拜錄





詩歌志

送駐通日本領事市川先生之任汕頭歌

李鎮華

國徽兮飄飄政府重邦交公餘無所事香餌釣鯨鯨  
鯨鯨喜佟佳江畔農商各界羣情好結成小團體  
鎮江樓上聚朋僚感市川領事事事和平手段高  
兩年垂六月有爲有守有鈐韜問何處民多幸福霖  
雨汕頭到歧踵南望路迢遙使星長炳耀

通化公共閱報社開幕祝詞並序

李鎮華

吳君木軒基督信徒既創設醫院復開閱報社一熱心社會服務家也  
幸逢開幕不揣庸愚謹獻蕪詞聊伸葵祝

先知誰氏厥維吳公疾呼警覺暮鼓晨鐘學於歐美化啓佟江膏肓藥  
石社會導師視聽言動琳瑯珠璣邀講演者不鄙棄余爰綴俚句略無  
面諛雖宗基督亦若菩提熱心服務博愛爲懷旣創醫院報社又開振  
聾發聵救世活人灌輸常識端在新聞震盪民氣喚醒國魂興夏一旅  
莫續三韓匹夫有責濟時之艱且休爭利慎勿攘權教育汲汲道德超  
超大夢未覺吁吾同胞思潮汹涌澎湃波濤牛馬奴隸涕泗滂沱淒慘  
苦楚蔑以復加及今奮勉來日方長強健種族注意衛生獨立宇宙武  
緯文經黃裔貴胄霞蔚雲蒸神明四億冠冕五洲慈善君子唾玉捐金  
如予荒落俯仰自慚謹佈愚戇敢云鍼砭藉表賀忱肅蕪函

東邊實業報民十新年號祝詞三章

李鎮華

調寄唐多令

恭賀過新年四民宜勉旃  
棟折危巢燕勢力滿蒙圈已定將奴隸  
有誰憐華會雖公開優勝劣敗哉  
同胞猛醒漫相猜抖擻精神急振作  
且努力莫心灰

調寄長相思

舊官僚舊官僚政客軍閥氣焰驕  
致令舉國囂新思潮新思潮波濤激  
湃氣凌霄五洲萬國超

調寄法駕導引

嗟吾國嗟吾國日下似江河一介莽夫猶龍子憂民愛國發狂歌歲月  
莫蹉跎勸同胞勸同胞政體已共和同根相煎何太急噫嘻十載九操  
戈寇深可奈何東邊報東邊報記載實業多紙貴洛陽傳世界言論思  
想不偏頗知識藉研磨

北京益民報發刊祝詞

李鎮華

環顧中華災患相因維諸君子悲天憫人一聲霹靂志在益民民意貴  
伸民權勿淪民德丕振民知日新民生不匱民國長春民間疾苦芻蕘  
可詢大報之功莫與比倫

奉天省立第一小學校十週紀念祝詩二首

李鎮華

文明雅化進東隅  
蒼萃菁華首善區  
能使盡人宏教育  
尤爲通省好楷  
模  
識時俊傑初聯璧  
救世經猷此握珠  
十載江都紀成績  
董生學養果  
清腴

其二

前人

一樣春風化雨施  
問渠那得學通時  
了翁設教書千卷  
道子傳神筆一枝  
優秀允推諸校冠  
後先幸獲兩賢師  
從知冀北空羣馬  
不入龍門不  
騁馳（魏吳兩君前後長此校故云）

留別一首并序

李鎮華

丙寅孟夏通化教育所長三任期滿奉令調省留別同事員生一首藉

留鴻泥以誌紀念詞之工拙不計也

桑梓濫竽十五春滿城桃李倍清新莫言慘淡經營苦又作東西南北

人

登通化城樓口占

新民袁樹棠

金坡老將今猶健  
四十年前築此城  
東土首稱形勝地  
萬山深鎖一江橫

秋日感懷

前人

夕陽斜射景山西  
樹半心空鴉亂啼  
秋色荒涼王氣盡  
御溝紅葉不堪題

秋菊

前人

萬紫千紅久妒黃  
好花祇合待時香  
秋來老圃生佳色  
檢點霜姿上玉堂

秋雲

袁滄棠

秋色澄清佳景多長空雲影渡銀河遊人睡醒朦朧眼誤訝天孫曬錦

羅

九秋夜雨口占

前人

節屆重陽雨滿城京華居處動離情客中衣薄無人管唯向天公祝早

晴

冬日嚴寒

前人

凍天寒溜掛簷牙佛曉驚聞鵲語譁紅日當空烘不透玻璃鏡上結菱

花



題四花頂子

徐潤章

在縣西南九十里壁立千仞高插雲霄山泉四注蝕石如花在山下  
作四面觀又如花插滿頭笑迓四方來客故名

葱葱鬱鬱勢崔嵬競秀一峰四面開何日芙蓉飛落此看山來是看花  
來

石峯萬仞鎮三邊四望如開一朵蓮我爲看山山下住山花不老不知  
年

咏棒槌砬子

前人

在縣東六十五里危崖壁立近望儼然石筍山頭瀑布蝕石成紋遠

國是舊家風范希文後樂先憂匪異人任嗟嗟般哈提主戰派爭賣頭  
顧英吉利經濟家昌言血稅不優勝爲優者勝已成世界趨流弗滅人  
即滅於人酷矣天演公理彼農桑戰工商戰槍礮戰之異言異服深謀  
遠慮方將食我肉寢我皮吾依賴性麻痺性健忘性之同氣同枝急起  
直追尙其倡予前和予後雖肇端也細已甚或有志者事竟成爰弁數  
言以貽來者

耕隱錄序書後

李鎮華

異史氏曰潘公印德荃字茂蓀宜興望族政界巨擘以名孝廉來守通化蒞任十年清風兩袖輿情愛戴口碑久播於一時政府激揚勳章已晉夫三等豐功偉烈地方人民已泐諸貞珉徐世昌爲國務總理召公爲府院秘書公辭不就張鳳台爲河南省長召公爲政務廳長公又不就當是時地方挽留臥轍攀轅函電交馳歌功誦德而公亦惟志在百里甘心下邑故政績諸般均臻上理東邊道尹方大英巡查所屬吏治親爲公書字聯曰爲閩屬宰官冠有兩漢循吏風之句省署秘書袁金鎧考核各縣政績保公曰熱心興學勤政愛民爲轉呈大總統獎給三

眺又若山蓐土人呼山蓐爲棒槌石崖爲砬子故名之曰棒槌砬子  
不道人參應地靈崢嶸萬仞接天青應嫌低首山如睡一棒當頭醒未  
醒

北山紀遊

于濟源

一樣佳山水春秋景不同西風別有意不爲送歸鴻  
誰遣秋風至蘆花白了頭林泉無恙在使我憶前游

無題

前人

中庸不可能大道無息止居夷又何妨在湮貴不紫  
不乘萬里風不担千般險日月亘今古雲霧難終掩

草草過一生便是幸合福勿爲得者榮勿爲失者哭

重陽喜晴登高口占

前人

何待思親逢令節惟愁無以慰親思逢將令節思親切爲問平安數首  
詩

秋感和笑雲伯蓀兩詩豪

前人

風來落葉舞紛紛極目霜天渡雁羣秋色多從霜後見礎聲偏自夜中  
聞空庭酌酒邀明月小院吟詩遏暮雲楚水秦山增別緒誰將玉帛息  
塵氛

贈詩史李笑雲

前人

不減輕刀快馬豪

公有五更上  
馬月沈西句

功名去就等鴻毛  
一身以外為書史兩大

之間任酒陶潘水故都王氣盡錢塘

公浙人

鄉國戰雲高寒酸獨樂羲皇

樂茅舍孤燈讀楚騷

春日送別張子承

子承任通化硝磺局長甫經年餘忽奉令他調與各界相處  
素稱澹洽此行苦于跋涉餞別之餘不勝黯然因賦此慰之

海城徐鐵翹

剪燭西窗夜雨零  
驪歌聲裏柳條青  
征鞍甫就東都道  
遠送飛鴻入杏

冥

秋日旅京遊清故宮感作

前人

西風颯颯夕陽斜  
故國河山感歎賒  
碧水咽流妃子淚  
黃門深掩帝王

家金爐香杳悲秋雁玉樹歌殘泣暮鴉鐵馬銅駝安在也淒涼誰問後  
庭花

咏美人風箏

前人

莫道紅顏命薄同畢生蹤迹等飄蓬原無傲骨能凌物只是輕身慣御  
風一幅畫圖春草碧半天游蕩夕陽紅村童似解儂心意笑遣儂遊浩  
渺中

晚霽

前人

一行晴雁帶雲飛半壁殘陽映四圍幾日秋高楓樹老連朝雨冷菊花  
肥清溪曲繞荒村路斜徑直通古寺扉風景撩人添別緒鱸蓴有夢未

曾歸

書懷

前人

蓬廬僻處避囂塵桃李成蹊別有春花月結緣詩結伴琴書爲友德爲鄰默參宇宙窮通理敢定古今得失因尺蠖屈伸原有數此生尤已不  
尤人

誦六朝詩

七言排律

通化宮潤章

曩誦漁洋山人戲仿元遺山論詩有六代淫哇總廢聲句竊疑言之太過今取古唐詩合解中六代佳什誦而習之始恍然於前人之批評固未妄下一字也不揣謏陋學步後塵非敢辱教於大雅也聊志



心得以備異日之印證云爾

樂府歌行說六朝挑燈展卷度秋宵參軍有句皆飄逸康樂無篇不刻  
雕白紵三章傷艷麗烏棲一曲失纖桃吟來桃葉情偏遠賦到楊華語  
更妖阮籍興懷蟲唧唧太冲詠史雁嘹嘹清新庾信真瀟灑靈秀宣城  
避叫囂彩筆江郎工寄慨詞壇梁武擅輕描若非五柳先生在盡是顏  
風上下潮

誦木蘭辭

前人

揚鞭躍馬掃胡塵巾幗英雄大有人代父從軍十餘載不知尙是女兒

身

通化縣志

卷四藝文詩歌

七十三

奉天作新印刷局印

誦陸機猛虎行

前人

酌酒高吟猛虎行  
士衡眼界亦分明  
如何拋却華亭鶴  
誤盡河橋廿萬兵

呈徐冠堂夫子

七律四首

宮潤章

寒窗默坐太無聊  
忽憶徐公興轉饒  
天上星回當臘尾  
雲間犬吠到山腰  
執經翻恨十年晚  
問道奚辭百里遙  
今日程門重立雪  
頓教心地樂陶陶

陶陶

看雲把酒公思我  
踏雪披裘我訪公  
臘鼓頻催更歲月  
瑤琴一奏又春風  
興來讀史千篇盡  
醉後談經萬慮空  
十日匆匆歸去也  
寒燈兩地一

般紅

閒來無事卜燈花醉擲酒杯渴煮茶羞說功名雞有肋悶聽紛鬪鼠無  
牙窮經豈爲登高第下筆終思仿大家惟有先生同此意春風疑不到  
天涯

觀佟江潮

七言絕

潘陽孟慶芳伯蓀

白山伶水鬱蒼蒼萬縷炊烟襯夕陽獨坐磯頭問龍伯朝潮夕沙爲誰  
忙

登通化城樓遠眺

前人

獨上高樓寄遠思萬家烟火晚炊時西山爽氣清如許除却詩人那得

知

春日漫興

前人

萬里江山皆入畫半窗風雨欲催詩一年好景從頭數最是桃紅柳綠

時

春日枕上口占

前人

無端春色到江城萬景清新雨乍晴小巷僻居人跡少朦朧遙聽賣花聲

歲暮思親

前人

天涯歲暮雪漫漫獨對穹廬冷作團遙憶高堂白髮母深宵應念阿兒

寒

寄家書

前人

驅車北上白雲深遊子遙銜寸草心滿地春暉恩未報家書寫罷淚沾襟

襟

晚訪李笑雲留贈

前人

半生飄泊客中身詩酒相交有夙因猶記玉皇山下月夜深曾照兩詩人

人

秋日由興京起赴通化

前人

曉起辭茅店鷄聲聒耳鳴雲隨秋雁遠月送旅人行林壑深無際莊郵

辨不清熹微初見日頻自問前程

晚遊北山即景

前人

城郭千家夕照暉河山依舊景全非  
舟橫野渡潮初落風過疎林葉盡  
飛幾日嚴霜楓樹老連朝冷雨菊花肥  
一年好景無多日遍賞秋光願  
莫違

薩爾濟懷古

前人

古道森森驛樹栽豐碑屹立傍高臺  
黃沙已沒屍千塚白草空餘土一  
堆七事告天豪氣壯三軍震地鼓聲催  
昇平歲久渾無事故壘秋風鎖  
綠苔

春日書懷

前人

春風惠我到蓬廬到眼韶光不似初醉裏漫揮三寸管愁中悔讀十年書身因羈勒交遊少事到參差故舊疎過得一時少一日敢思日後更何如

由奉赴通旅次感懷

前人

雞聲喔喔曙光闌旅寓淒涼難作歡誤我祇因書錯讀求人方識缺空彈傭書自笑馮驩老作客誰憐范叔寒遙向天涯幾回首蒼穹漠漠路漫漫

贈中學第四級畢業諸學子

前人

諸君濟濟正英年奮志雲程可補天學理未深須再造命途雖舛莫遲延修身克己思前訓格物致知效昔賢別後贈言當自勉臨風休忘寄詩箋

重九與友登

前人

身凌絕頂小塵埃滿地黃花見賦才  
王燦登樓增感慨參軍落帽任徘徊  
雄心欲逐雲千里乘興欣吞酒一杯  
老氣橫秋天色晚吟懷遙寄半

山隈

春寒偶感

前人

二月山城猶見霜陰晴冷暖竟無常客中  
自歎衣裳薄旅寓時嫌更漏



長半榻詩懷何悶悶一年花事尙茫茫  
殷勤頻問呢喃燕何日尋芳歸  
故鄉

元宵感懷

前人

一年今夕是元宵披讀家書轉寂寥  
幸有妻孥常慰藉苦無車馬過相  
邀雲橫山嶺水猶結雪壓江流凍未消  
樂叙天倫昆季在圍爐笑語飲  
醇醪

感懷

前人

落拓誰憐范叔寒年年空自嘔心肝  
靜中觀世常思隱醉裏談兵不怕  
官古調只爲知己作新詩權當美人看  
吟成幾句三更後萬籟無聲夜

欲闌

柬劉振中先生

前人

幸結因緣翰墨中  
迢迢千里兩情濃  
聯吟舊雨兼新雨  
格調唐風復宋風  
愧我無才琴在御  
羨君脫穎劍凌空  
氣吞雲夢生花筆  
飛向遼天作彩虹

山居感懷

前人

半日山行半水行  
秋來處處助詩情  
夢因遠別思親久  
意到殷勤愛國誠  
閒向孤松尋太白  
漫同野鶴訪淵明  
天公何事偏多事  
放假西風鳴不平

秋日同所長高君洗凡視學鮑君潔泉暨同寅張君太璞張君偉  
民郭君子陽于君蔭棠等共七人遊於江干書此以爲紀念

隨分清遊屬吾曹晚來秋景集江皋雲收曠野蟲聲急風入疏林雁陣  
高草草生涯人事簡愔愔時序客懷勞何時得築清涼室日與朋儕話  
六韜

山行

遼陽王育普

高峯歷亂無人徑老樹杈枒碍客行偶至深山最深處野花多半不知  
名

幽居

前人

慮少思方少言稀過自稀漏移知晝永簾靜覺風微讀易明休咎學詩  
辨是非問君何所有道義以爲歸

等嘉禾章三等文虎章以獎勸之而公則本經學爲治術不知榮利爲何物與地方感情之厚如家人和樂之親雖歷十年有如一日是邦人士之眷眷於公而公亦鬱鬱於茲土縱然爲政以德其奈長生無術正奉令調省交代已清而積勞成疾膏肓莫治一病不起溘然長逝噫陰陰南國蔭甘棠藹藹西周棫樸章異日爲公編政績千秋循吏永流芳然公之道德文章政治風節假令入襄府院或任封疆展其經猷早已全國蒙庥通化僻縣牛刀小試本不足久辱潘公而一任竟至十年十年竟畢一生嗚呼潘公之不幸通化之大幸也日昨山居無事偶檢書簾得有潘公之耕隱錄序一藝讀罷覺其語重心長法良意美雖其個

人一時之感言實乃國家百年之大計爰爲表而出之使世之人知此亂離時代風塵末吏中不無賢有司也溯潘公自甲午登賢書即補崇明書院教授旋充上海申報主筆後任湖南明德學堂監督南游川粵北走燕趙視學於湘鄂放賑於蘇皖蒙得欽加同知銜花翎四品頂戴候補直隸州知州趙爾巽爲東三省總督時奏調留奉補用初任復州繼掛柳河正任康平補授通化但公此藝脫稿於癸丑而公攝篆於庚戌病故於辛酉人事有變遷往來成古今故爲誌其崖略以俟夫後之修通志者有所採擇云爾丁卯夏節書於蟄庵之南軒



張君明璠傳

潘德荃

先生諱明璠字亞權奉天通化縣人先世多隱德父諱希寬僞忠義軍之變創辦團練捍衛一方孤立無援卒以身殉先生爲公第三子尙氣節有父風慨舊學之日麗於虛棄而從事實業卓然成商界農界鉅子歲甲寅濛匪王登瀛王東洋鐵公鷄劉占九等黨羽二百餘人攻破撫松脅從日衆屢犯臨江之八道江三岔子該處爲通化門戶商舖又多通化分號公電私函星夜求救本唇齒相依之義分警團二百馳往代守匪訶知通化警團數本簡單又分兵外出乃密選強而悍者二百有四十人交匪首王東洋由間道竄小羅圈溝意圖撲我縣城先生聞之



赫然起曰小醜敢爾邀集戚鄰僅二十人肩隨伯兄手契季弟奮力擊退區官鄭福祥亦率隊馳至冒雨渡河大斃授首一鄉以安爨六者本溪縣之巨盜竄擾寬甸興京等處歷有年所乙卯七月既攻陷桓仁縣城復窺我江甸子富爾江口高力木子胥爲警務長江存清擊退然意未嘗一日忘我也其言曰得五撫松得兩桓仁不如得一通化陸防各軍雲集桓仁西南路已不可通非陷通化不能飽掠歸去乃迂道輯安縣境潛分二股西趨大廟溝東趨小羅圈溝同時撲城時通化警團應桓仁縣之求助悉赴南區兩注江阻猝不及調大廟溝之高力河適當其衝距城尤近徵及警團不得不先擇要堵截匪戰不利復折回輯安

境聚四百餘人之全力撲我小羅圈溝彼馬我步馳救不及先生家大  
道旁有隘可守而先生毅然不屑會合少數警團力堵股匪入城要道  
匪畏其勇分股焚先生廬冀以感先生心而先生悍然不問甘以身家  
犧牲社會匪勢益厚或勸少退以待援師而先生忿然不顧戰三小時  
愈接愈厲卒以兵力單子藥罄沒於陣先生雖陣亡匪終不敢西撲城  
北渡江遁爲保衛團辦事員趙德喜所扼一擊潰散先生之功顧不偉  
哉事聞督軍震悼優令存問匾額褒揚德荃奉命廣集地方團體親送  
匾額至先生祠與都人士憑弔殉難處所二三父老僉以張氏一門忠  
烈喬梓媿美傳爲盛事云爾